



HELLENIC PARLIAMENT



NACRT ZAJEDNIČKE IZJAVE

XV. konferencija predsjednika parlamenata država učesnica

Jadransko-jonske inicijative

JJI - predsjedavanje Grčke

6. i 7. april 2017., Ioannina, Grčka

Predsjednici parlamenata država učesnica Jadransko-jonske inicijative (JJJ),

- VOĐENI principima Deklaracije iz Ankone od 20. maja 2000., kao osnivačkog političkog dokumenta Jadransko-jonske inicijative;
- UVIDOM u obaveze preuzete tokom svih prethodnih sastanaka predsjednika parlamenata država učesnica JJI-ja;
- POTVRĐUJUĆI da su vrijednosti Evropske unije osnovni principi saradnje među zemljama Jadransko-jonske inicijative;
- POZIVAJUĆI se na osnovne principe Dubrovačke deklaracije iz maja 2016.;
- VOĐENI principom da bi državni parlamenti – kao institucije koje su najbliže građanima – mogli igrati ključnu ulogu u provođenju ciljeva Strategije;
- UVJERENI da će provođenje EUSAIR-a, uz podršku aktivnostima koje se provode u okviru njegovih upravljačkih struktura i Jadransko-jonske inicijative – njegovog upravljačkog uporišta – promovirati održivi privredni prosperitet u jadransko-jonskoj regiji;

- SVJESNI činjenice da je privredni rast veoma važan za ostvarenje socijalnog mira i političke stabilnosti u jadransko-jonskoj regiji;
- S OBZIROM NA TO DA da makroregionalna strategija može doprinijeti oblikovanju integrirane vizije evropske budućnosti;
- UVJERENI da su EUSAIR i JJI jedinstveno i korisno sredstvo za poticanje ekonomske integracije i teritorijalne kohezije u jadranskoj i jonskoj regiji;
- VJERUJUĆI da će realizacija strategijskih projekata EUSAIR-a, kako je definirano u četiri stuba Strategije, potaknuti rast i prosperitet jadransko-jonske regije;
- BUDUĆI da je Plavi rast dugoročna strategija koja nastoji podržati održivi rast u sektoru mora i pomorstva u cjelini, te da je more pokretač evropske privrede, što predstavlja veliki potencijal za inovacije i razvoj;
- VJERUJUĆI da će tješnja saradnja među parlamentima država učesnica JJI-ja, kao institucija koje zastupaju građane, potaknuti postojeće odlične dobrosusjedske odnose među našim narodima, te da će jači angažman parlamenata država učesnica JJI-ja postati sve potrebni u budućnosti, kako bi se suočili sa izazovima nove faze saradnje u regiji koju predstavlja EUSAIR;
- ISTIČUĆI da je saradnja u okviru Jadransko-jonske inicijative ključna za daljnji razvoj mira, stabilnosti i prosperiteta na ovim prostorima, kao i uporište za države kandidatkinje i potencijalne kandidatkinje za članstvo u EU na putu integracija u EU;

- POTVRĐUJU da se Evropa i dalje suočava s uticajem najgore privredne i finansijske krize od Drugog svjetskog rata; stoga će oni usredotočiti svoje politike na glavne izazove s kojim se suočavaju njihova privreda i društvo;
- PONOVO POTVRĐUJU svoju opredijeljenost za nastavak bliske saradnje s međunarodnim i evropskim institucijama, s ciljem rješavanja ekonomskih izazova s kojima se regija suočava;

- POTVRĐUJU da se Evropa suočava s najoštrijom izbjegličkom i migracijskom krizom od Drugog svjetskog rata, pokrenutom sukobom i krizom u Siriji, ali i ratovima, kršenjem ljudskih prava, te manjkom razvojnih i ekonomskih mogućnosti u drugim zemljama i susjednim regijama Evrope;
- IZRAŽAVAJU svoju solidarnost sa zemljama i lokalnim zajednicama koje su pogođene izbjegličkom i migracijskom krizom;
- VJERUJU da okvir EUSAIR-a može igrati važnu ulogu u unapređenju otpornosti zemalja učesnica u njihovom snalaženju s izbjegličkom i migracijskom krizom;
- **PODSJEĆAJU na zajedničku izjavu sa XV. Konferencije predsjednika parlamenata JJI (Split, 15.-16.04. 2016.) i Dubrovačku Deklaraciju od 12. maja 2016., te prepoznaju nastojanja EUSAIR-a u doprinošenju sveobuhvatnog europskog odgovora na pitanje migracije na konstruktivan i kooperativan način;**
- IZRAŽAVAJU svoju vjeru u vrijednosti EU i njenu sposobnost u kreiranju politika i instrumenata koji će podržati privrednu, socijalnu i teritorijalnu koheziju, konvergenciju, solidarnost i sprečavanje nejednakosti između regija i zemalja;
- VJERUJU da glavne društvene izazove ne mogu riješiti gradovi, regije ili države pojedinačno; makroregionalne strategije pružaju dobru platformu za razvijanje zajedničke vizije naše budućnosti – s naglaskom na određena geografska područja i posebna razvojna pitanja;
- ISTIČU da bi prioritet Jadransko-jonske inicijative trebao biti njena nova uloga zagovornika organizacija civilnog društva koje mogu unijeti inovativne ideje u Strategiju svojim punim angažmanom u njoj i u tu svrhu pozivaju državne parlamente da daju svoju punu podršku;
- POTIČU na još tješnju saradnju država učesnica JJI-ja s Jadransko-jonskim forumom civilnih društava;

- ISTIČU da je Plava ekonomija velika prilika za regiju da napreduje i da se mijenja; te je stoga veliki potencijal za bolju povezanost kopna i mora i intermodalni prijevoz;
- NAGLAŠAVAJU da je akvakultura jedan od najperspektivnijih privrednih sektora u regiji, sa značajnim potencijalom za povećanje kapaciteta proizvodnje, a time i smanjenje zavisnosti od uvoza, kao i smanjenje pritiska na divlje zalihe, pod uslovom da se to čini na održiv način;
- VJERUJU da je pomorski doprinos neophodan za postizanje ciljeva Strategije Evropa 2020 za pametan, održiv i uključiv rast;
- PODRŽAVAJU jačanje vlasništva nad Strategijom, aktivnijom uključenošću regija i aktera na svim nivoima (provođenje, praćenje, vrednovanje);
- NAGLAŠAVAJU da je sada krajnje vrijeme za prelazak u novu fazu provođenja EUSAIR-a ostvarivanjem projekata;
- POTIČU uspostavljenju mrežu viših parlamentarnih službenika da dalje omogućavaju stalnu razmjenu informacija i dobrih praksi među parlamentima o aktivnostima EUSAIR-a i JJI-ja;
- RADUJU SE osnivanju Platforme aktera EUSAIR-a koja bi trebala promovirati povezanost organizacija civilnog društva s upravljačkim strukturama i akterima EUSAIR-a;
- PODRŽAVAJU nastojanja da „potporna tačka EUSAIR-a“ što prije postane potpuno funkcionalna;
- NAGLAŠAVAJU važnost administrativnih resursa i kapaciteta za ostvarivanje postavljenih ciljeva;
- VJERUJU da, u svjetlu buduće kohezijske politike i **novog Višegodišnjeg finansijskog okvira**, postoji potreba za daljnjim poboljšanjem sistema upravljanja kao i za sinergijom i komplementarnošću između EUSAIR-a i programa finansiranih iz evropskih strukturnih i investicionih fondova i drugih finansijskih instrumenata EU;

- RADUJU SE dobivanju pristupa fondovima i drugim finansijskim instrumentima EU kako bi se podržavali projekti na makroregionalnom nivou;
- SMATRAJU da koordinacija s drugim makroregionalnim strategijama ima ključnu ulogu u ostvarivanju kontakata i sinergija, razmjeni iskustava i znanja te u osiguranju brzih reakcija i veće vidljivosti;
- **VJERUJU da je jačanje suradnje između parlamentarnih odbora za regionalnu politiku u okviru JJI značajan faktor za buduću regionalnu integraciju, putem razmjene ekspertiza i najboljih praksi vezano za pitanja koja imaju za cilj podržati regionalne ekonomije s posebnim geomorfološkim osobenostima, kao što su otočni i planinski dijelovi država sudionica JJI;**
- POZDRAVLJAJU predstojeći 2. forum EUSAIR-a koji će biti održan u Ioannini, u Grčkoj, 11. i 12. maja 2017., a tokom kojeg će biti održan i zajednički ministarski sastanak EUSAIR-a i JJI-ja;
- ZAHVALJUJU Grčkoj na konstruktivnom i produktivnom predsjedavanju Jadransko-jonskom inicijativom i kopredsjedavanju Upravnim odborom EUSAIR-a;
- ŽELE uspjeh Italiji u njihovom budućem zadatku predsjedavanja Jadransko-jonskom inicijativom i efikasno kopredsjedavanje EUSAIR-om.